

巴縣志

620330. (17)

34⁰

2192



嘉慶庚辰年鑄

巴縣志

王爾鑑署檢

序

乾隆庚辰秋余奉

命觀察東川凡職資采訪

者弗敢或畧迺過州邑

流覽名山水尋古人遺

序

跡類多殘碑斷碣荒渺

不可考其風土治績沿

草廢興又疑舛錯互傳

蓋勝國兵燹圖籍罕存

久矣及抵重郡龔山字

水盤踞映帶其勝蹟倍
難記識意百餘年來必
有熟掌故工紀載者蒐
羅成帙可一一徵求首
令王熊峯謁余曰巴邑

序

二

無志與他邑同職涖茲
土先後將十稔博采苦
搜畧具胚胎方剗劂未
成也翼日以稿質余公
餘紬閱事覈以當辭切

而該間以知見補裁所未及庶遺之來者按冊求規無失大戶纂輯之苦心其東川州邑悉仿而新之光圖籍備采訪

序

三

是更余之竊望也夫乾隆庚辰黃鐘月川東觀
察使者湘潭張九鎰橋
洲氏撰



序

厥初生民太皞巴人之國
粵若稽古塗山禹后之家
一葉雲浮萬家烟聚臨江
通遠東牽吳楚舟航拱極
朝天北望京華

序

四

陞闕樓號新豐覩轂擊肩摩
遍滿六街三市亭名覽勝
看翼排鱗比盤迴九闕雙
江妙香流金碧之風山臺
翠染飛雪濺洪崖之瀑石
洞珠噴雨洗佛圖蓉闌碧

嶂響傳歌樂松泛清漪黃
葛渡邊漁磯樵徑海棠溪
畔酒國詩城盡是大塊文
章到處名山煙景霞蒸雲
篆釀人物之光華穎發泓
流奪溪山之秀色溯累朝

序

五

之舊業代有聞人沐

聖祖之休光王多吉士束修

珪璧賢大夫生則式其廬

俎豆馨香鄉先生歿而祀

於社不有志乘紀載曷脩

今後參稽然籍去無存求

由舊章之率或仕優不學
祖于俗吏之為黷在日循
事成曠廢乃有江州賢尹
厥維熊耳山人本是簪杏
名流累著種花異績少年
帶印三十載東岱西川老

序

六

眼看書十二疇文章案續
入稽史冊考核維精出採
輜軒謔諷殆遍披莎剔蘚
寧問古剝雲封梯石穿林
那計秋山月冷鐘有銘而
岩有刻摩挲金石之文奇

則削而袞則褒彷彿春秋
之筆發凡起例語洗雷同
覈實闡幽論持風教信是
不朽之業洵哉有物之言
前有古人得此可以不恨
後之覽者將有感於斯文

序

七

著往彰來允堪壽諸梨棗
訂訛糾誤乃猶采及菲藟
雉水凡材魚浦庶吏本無
實學敢謂江左虛名未讀
藏書况是川東寄客偶來
潘縣靜聽宓子之琴蘓識

荆州得親鄴侯之架捧
函而九頓敢說題鳳題龍
搦敗管以三思聊用校魚
校豕操觚率爾慚非白石
之詞把卷欣如敬佩青箱
之業乾隆庚辰小春月如

序

八

臬姜會照南園氏拜撰



序
巴渝郡縣百餘年無志
今志始輯於乾隆十六
年十月訖於乾隆二十
五年十有一月徵文則

序

九

斷簡殘編單辭隻字必
錄考獻則學士大夫鄉
老寓賢山僧徒史必諮
有時秋墳按月古剝搜
雲絕壁牽藤深淵揭石

苟有關於斯土無不羅
而致之但擇焉弗精虞
漏且陋聊具胚胎敢禍
梨棗邑人士進言今不
付梓則幽微誰聞溪山

序

十

無色云胡徵利弊以驗
風俗施政令且使後之
視今亦猶今之視昔公
盍審諸余感斯言謬予
攻木至若補漏而備澤

陋而雅斯所望於來者
已令熊峯氏王爾鑑書
於縣署之磊石軒



序

註



巴縣新志後序

巴非無志也。有而毀于
明末之亂。民靡子遺。何
暇問志。迨哉。
朝定鼎。初幸。失君子奉檄
之保寧。舟泝內江。遙望

後序

城中茂樹。茂林人煙寥
寂。時有豺虎。白晝。罌殘
堞下。瞰江干。渝之為渝
如是。而志又誰問。自是
劉聖相承。培養生息。百有餘
年。富庶漸臻。坐于今。亦

乃克胥此親賢樂利之
休也斯時可以問志矣
顧文獻無徵一二賢守
令幾議修復苦無馮藉
通誌又略而弗詳不可
吹志已也事竟中止乾

後序

二

隆辛未我邑侯盧氏

王公熊峰庚戌名進士來

莅茲土慨然曰巴大邑

其亦志闕如前之人輒

且無據藉口夫此曰無

據而置之彼亦曰無據

而仍置之雖再經百千
年已終無志也夫已大
邑也而無其終無志非
特當事者之羞抑亦鄉
士大夫之恥也我雖無
三長寧惜寸血惟諸君

享其助予富縹緲者獻
羣書多見聞者疏往事
而山林遠僻古蹟舊聞
飭各鄉紳耆無歷幽遐
悉心搜采且嘗令初下
而歡聲震動于是

合遇民事稍暇或按部周
行取簡畢相從窮探博
訪不以爲罷其取精多
而用物宏尼志體所宜
有者罔弗備也是非予
奪準諸公信凡穀僞影

後序

四

冒罔弗覈也經史子集
稗官二氏周弗稽也遠
鄉外郡車騎所臨罔弗
詢也又予舊例之俗屬
者更易之要取一切乎
尺者爲斷越十季而志